

**OKVIRNI SPORAZUM  
NABAVKA USLUGE ISPORUKE TOPLOTNE ENERGIJE**

**KANTONALNA UPRAVA CIVILNE ZAŠTITE KANTONA SARAJEVO**

Sjedište: Fehima efendije Čurčića 1, 71000 Sarajevo

Kojeg zastupa Direktor: Dženan Brkanić

Identifikacijski broj: 4200665390008

Ministarstvo finansija Vlade Kantona Sarajevo

(u daljem tekstu: Ugovorni organ)

i

**KJKP TOPLANE-SARAJEVO d.o.o. Sarajevo**

Sjedište: Semira Frašte 22, 71000 Sarajevo

Kojeg zastupa Direktor: Sejfo Ušanović

Identifikacijski broj: 4200353740001

Transakcijski broj banke, ime i sjedište banke: 1540012000333776, Intesa Sanpaolo Bank d.d.

(u daljem tekstu: Dobavljač)

U daljem tekstu Okvirnog sporazuma, kada se **Ugovorni organ i Dobavljač** navode zajednički, tj. zbirno, tada su označeni kao „**Sporazumne strane**“.

**I PREDMET OKVIRNOG SPORAZUMA**

**Član 1.**

- (1) Predmet ovog Okvirnog sporazuma je nabavka usluge isporuke toplotne energije, za tri poslovna prostora i tri stambena prostora, koji se nalaze na sljedećim adresama pod korisničkim šiframa :
- Fehima efendije Čurčića 1, Sarajevo – 9991580135,
  - TRG ZAVNOBIH-a 15, Sarajevo – 9992460714,
  - Ivana Frane Jukića 2, Ilijaš – 9994580423,
  - Fehima efendije Čurčića 1/1, Sarajevo – 1640310371,
  - Fehima efendije Čurčića 1, Sarajevo – 1640310410,
  - Hamdije Kreševljakovića 24/3, Sarajevo – 1640320130,
- (u daljem tekstu: Objekti), za potrebe „KANTONALNE UPRAVE CIVILNE ZAŠTITE“ KANTONA SARAJEVO, a prema važećem cjenovniku koji je sastavni dio Okvirnog sporazuma.
- (2) Ovim Okvirnim sporazumom, ugovorne strane su saglasne da će u toku ugovornog perioda, zavisno od interesa ugovornih strana, zaključiti pojedinačne Ugovore o nabavci usluge isporuke toplotne energije za Objekte iz stava (1), za potrebe „KANTONALNE UPRAVE CIVILNE ZAŠTITE“ KANTONA SARAJEVO, a za koje je proveden otvoreni postupak.
- (3) Ugovorni organ zadržava pravo djelimične ili potpune realizacije predmetne nabavke.

## Član 2.

Ugovorni organ naručuje predmetnu uslugu iz člana 1. ovog Okvirnog sporazuma, Dobavljač se obavezuje na izvršenje predmetne usluge iz člana 1., a na osnovu provedenog postupka javne nabavke putem otvorenog postupka i Odluke Ugovornog organa o izboru najpovoljnijeg ponuđača.

## Član 3.

Sporazumne strane su saglasne da se Okvirni sporazum realizuje prema već definisanim uslovima u Obavještenju o javnoj nabavci putem otvorenog postupka (u daljem tekstu: Obavještenje) i prema tenderskoj dokumentaciji (u daljem tekstu: Tenderska dokumentacija) i to:

- (1) Ugovorni organ prema zahtjevima u Obavještenju i Tenderskoj dokumentaciji;
- (2) Dobavljač prema dostavljenoj ponudi i dokumentaciji sa preciziranim ponuđenim uslovima u prijavi na otvoreni postupak.

## II UGOVORNA CIJENA I NAČIN PLAĆANJA

### Član 4.

- (1) Vrijednost ovog Okvirnog sporazuma, bez uračunatog PDV-a, iznosi: **43.964,22 KM** (Slovima: četrdesettriiljadedevedeststinašezdesetčetiri i 22/100 konvertibilnih maraka).  
Iznos PDV-a: **7.473,92 KM** (Slovima: sedamhiljadačetristotinesedamdesetri i 92/100 konvertibilnih maraka).

Ukupna vrijednost ugovora, sa uračunatim PDV-om, iznosi: **51.438,14 KM** (slovima: pedesetjednahiljadačetiristotinetridesetosam i 14/100 konvertibilnih maraka).

- (2) Jedinične cijene date u ponudi nisu fiksne i utvrđuju se Odlukom o visini tarifnih stavova KJKP "Toplane -Sarajevo" d.o.o. Sarajevo koju donosi Vlada Kantona Sarajevo i Odlukom Nadzornog odbora KJKP "Toplane -Sarajevo" d.o.o. Sarajevo.

### Član 5.

Ako Dobavljač prekrši ili ne izvrši odredbe ugovora, Ugovorni organ će izvršiti raskid Okvirnog sporazuma.

### Član 6.

- (1) Dobavljač se obavezuje da vrši uslugu isporuke toplotne energije Objekata iz člana 1. u skladu sa Uredbom o opštim uslovima za proizvodnju, isporuku i korištenje toplotne energije i drugim važećim propisima, prema predviđenoj dinamici i u ugovorenom roku.
- (2) Cijena usluge iz člana 1. Okvirnog sporazuma utvrđuje se Odlukom Vlade Kantona Sarajevo o visini tarifnih stavova. U cijenu je uračunat porez na dodanu vrijednost.

U slučaju promjene cijene usluge iz člana 1. Okvirnog sporazuma, Dobavljač usluge je dužan putem sredstava javnog informisanja, elektronskim putem ili na drugi pogodan način obavijesti Korisnika usluge o promjeni prije njene primjene, a novoutvrđena cijena će se primjenjivati bez posebne izmjene ovog Ugovora.

- (3) Plaćanje će se izvršiti na osnovu obračunate utrošene toplotne energija po tarifnoj grupi **Korisnici usluge– Poslovni prostori i Korisnici usluge– Stambeni prostori**, na osnovu korisne površine Objekata, u skladu sa Tarifnim sistemom, a prema važećim jediničnim cijenama utvrđenim Odlukom o visini tarifnih stavova KJKP "Toplane -Sarajevo" d.o.o. Sarajevo koju donosi Vlada Kantona Sarajevo i Odlukom Nadzornog odbora KJKP "Toplane - Sarajevo" d.o.o. Sarajevo.
- (4) Sporazumne strane su saglasne da se plaćanje izvrši po ispostavljenim fakturama nakon mjesečnog obračuna za Objekte navedene u Aneksu 2 .

### III MJESTO I PERIOD PRUŽANJA USLUGA

#### Član 7.

Dobavljač se obavezuje da će u skladu sa članom 1. ovog Okvirnog sporazuma vršiti uslugu isporuke toplotne energije za Objekte iz člana 1. Okvirnog sporazuma za potrebe „KANTONALNE UPRAVE CIVILNE ZAŠTITE“ KANTONA SARAJEVO, a u skladu sa Uredbom o opštim uslovima za proizvodnju, isporuku i korištenje toplotne energije.

#### Član 8.

Mjesto vršenja usluge toplotne energije su Objekti iz člana 1. ovog sporazuma.

### IV OBAVEZE IZVRŠIOCA

#### Član 9.

- (1) Dobavljač se obavezuje vršiti uslugu toplotne energije za Objekte iz člana 1. Okvirnog sporazuma Ugovornom organu, standardnog kvaliteta, kontinuirano bez prekida, u skladu sa Uredbom o opštim uslovima za proizvodnju, isporuku i korištenje toplotne energije.
- (2) Dobavljač je upoznat sa uslovima po ovom Okvirnom sporazumu, prihvaća vršenje usluge toplotne energije za Objekte iz člana 1. Okvirnog sporazuma Dobavljač je odgovoran za sigurnost, pogon i tehničku ispravnost svojih termoenergetskih i instalacija do priključka na termoenergetska postrojenja.

#### Član 10.

- (1) Dobavljač se obavezuje da će Ugovorni organ vršiti uslugu isporuke toplotne energije za Objekte iz člana 1. Okvirnog sporazuma u skladu sa ovim Okvirnim sporazumom, Uredbom o opštim uslovima za proizvodnju, isporuku i korištenje toplotne energije i drugim propisima i pravilima struke.

- (2) Dobavljač se obavezuje na efikasno izvršenje predmetne nabavke, te da će odmah postupiti po eventualnim primjedbama Ugovornog organa, u pogledu nedostataka na ime kvaliteta isporučene usluga toplotne energije za Objekte iz člana 1.
- (3) Dobavljač je dužan da na poziv Ugovorni organ pristupi utvrđivanju uzroka poremećaja isporuke toplotne energije najkasnije u roku od 48,00 sati po prijemu prijave.
- (4) Ukoliko je poremećaj uzrokovan krivicom Dobavljača, Dobavljač je dužan u najkraćem mogućem roku pristupiti otklanjanju uzroka poremećaja na svojim termoenergetskim postrojenjima.
- (5) Ukoliko je poremećaj uzrokovan krivicom Ugovorni organ, Ugovorni organ je dužan u najkraćem mogućem roku pristupiti otklanjanju uzroka poremećaja na termoenergetskim postrojenjima i instalacijama koje je obavezan da održava.

#### **Član 11.**

U slučaju eventualnog propusta Dobavljača da postupa po Okvirnom sporazumu, Ugovorni organ utvrđuje razumni rok od 24 (dvadesetičetiri) sata za ispravku eventualnih propusta.

#### **Član 12.**

Dobavljaču se postavlja uslov da nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju Okvirnog sporazuma.

### **V OBAVEZE UGOVORNOG ORGANA**

#### **Član 13.**

- (1) Ugovorni organ se obavezuje dati Dobavljaču sva potrebna objašnjenja i uputstva koja ovaj zatraži, u roku od 5 (pet) dana.
- (2) Ugovorni organ će platiti fakture za isporučenu uslugu toplotne energije za Objekte iz člana 1. Okvirnog sporazuma u skladu sa Okvirnim sporazumom u roku do 30 (trideset) dana od dana nastanka obaveze iz člana 6. ovog Okvirnog sporazuma.

### **VI PRAĆENJE REALIZACIJE**

#### **Član 14.**

Za koordinaciju operativnih aktivnosti na realizaciji ovog Okvirnog sporazuma, na način i u ugovorenim rokovima, imenuju se:

- a) za Ugovorni organ: Anes Zubović, mail: [anes.zubovic@kucz.ks.gov.ba](mailto:anes.zubovic@kucz.ks.gov.ba)
- b) za Dobavljača: Nerdžisa Berković, mail: [nerdzisa.berkovic@toplanesarajevo.ba](mailto:nerdzisa.berkovic@toplanesarajevo.ba)

## VII STUPANJE NA SNAGU

### Član 15.

(1) Ovaj Okvirni sporazum se zaključuje za ugovorni period od 12 (dvanaest) mjeseci.

## VIII ZAVRŠNE ODREDBE

### Član 16.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, nadležan je Sud u Sarajevu.

### Član 17.

Za sve što nije regulisano ovim Okvirnim sporazumom, primjenjivaće se odredbe Uredbe o opštim uslovima za proizvodnju, isporuku i korištenje toplotne energije i Zakona o obligacionim odnosima.

### Član 18.


Ovaj Okvirni sporazum stupa na snagu i počinje se primjenjivati danom potpisivanja obje ugovorne strane.



### Član 19.

Odredbe ovog Okvirnog sporazuma ne mogu se mijenjati nakon njegovog zaključenja.


### Član 20.

Ovaj Okvirni sporazum je sačinjen u 5 (pet) istovjetnih primjeraka, od kojih Naručiocu pripadaju 3 (tri) primjerka a ostala 2 (dva) pripadaju Izvršiocu.

  
Sejfo Ušanović, Direktor  
Broj: 03-08-04-3895/24  
Datum: 07-08-2024 godine



Za Ugovornu stranu

  
Kemal Čacan, P.O. Direktora  
Broj: 06-11-600-10/24  
Datum: 31.07.2024. godine

